



Publicaziuns dalla vischnaunca, jamna 12

Damondas da baghegiar

2018-1007.000

Datum dalla publicaziun: 22 da mars

Il patron: Immo Invest Partner AG, Schaffhauserstrasse 131, 8152 Glattbrugg
Il representant: Maier Hess Architekten GmbH, Neptunstrasse 25, 8032 Zürich
Object: Spazzar il baghetg sin parcella 1346, construcziun d'in hotel niev, tschun baghetgs da pliras habitaziuns e treis garaschas sutterranas sin las parcelas nr. 1339/1342/1346, Acla da Fontauna, 7180 Disentis/Mustér, tenor la damonda da baghegiar nr. 2018 1007.000, publicada ils 23 da fevrer 2018

Intent dall'ex-posiziun publica:

- Damondas per lubientschas da baghegiar supplementaras suttamessas alla procedura da coordinaziun concernent sura project da construcziun:
- Damonda per projects da construcziun vid vias cantunalas
 - Damonda da lubir da deviar auas piarsas d'industria e mistregn
 - Damonda d'allontanar seivs vivas e caglioms
 - Damonda per ina lubientscha dalla polizia da fiug

2019-1009.000

Datum dalla publicaziun: 22 da mars

Il patron: Heinrich Riedi, Pardomat 6, 7180 Disentis/Mustér
Il representant: Heinrich Riedi, Pardomat 6, 7180 Disentis/Mustér
Object: Construcziun d'ina remisa nova ed engrondaziun dil lidimer sin parcella 350, Pardomat Dadens, 7180 Disentis/Mustér

2019-1010.000

Datum dalla publicaziun: 22 da mars

Il patron: Felici e Rita Durschei-Maissen, Via Latis 11, 7180 Disentis/Mustér
Il representant: huonder bisquolm architects sa, Via da Scola 18, 7180 Disentis/Mustér
Object: Baghetg d'economia, midada d'intent en ina casa da habitar, parcelas 73,74,75, Via Sut Vitg 12, 7186 Segnas

Protestas:

Il documents ein deponi tier l'administraziun communal Disentis/Mustér. L'exposiziun publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 18 da mars 2019
Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 29 da mars 2019**, allas 2015 en casa communal.

Tractandas:

1. Protocol 18-2017/2020
 2. Projects da canalisaziun: Separaziun d'aua Clavaniev Nova canalisaziun Latis – casa da scola – Nova canalisaziun zona da mistregn Pignola 2: Damondas da credit (messadi nr. 29-2017/2020)
 3. Lescha d'agricultura: Revisiun parziala – Secunda lecziun (messadi nr. 23.1-2017/2020)
 4. Ura da damondas (conform ad art. 44 dil regulativ da fatschentas)
- Il president dil cussegl da vischnaunca*
-



Planisaziun locala

Invitaziun ad in'orientaziun publica

Dapi il matg 2014 ei la lescha federala davart la planisaziun dil territori revedida en vigur. Ils cantuns ein obligai d'adattar lur plans directivs allas novas pretensiuns federalas. Il cantun Grischun ha adempliu quell'obligaziun ils 20 da mars 2018 entras l'approbaziun dil plan directiv. Ussa tucca ei allas vischnauncas d'adattar lur planisaziun locala a quellas pretensiuns, cunzun las zonas da habitar.

La revisiun dalla lescha federala davart la planisaziun dil territori ha la finamira da prevegnir che las zonas da habitar vegnien buca engrondidas e concentradas, cunzun leu nua che la damonda sesanfla.

Consequentamein pretendan cantun e confederaziun che las zonas da baghegiar periferas vegnien reducidas a favur dallas aglomeraziuns. La surfatscha da parcelas surbaghegiadas parzialmein e parcelas cun potenzial d'augmentar l'utilisaziun enteifer ils vitgs duei vegnir concentrada anenviars a favur dil terren agricol, dalla natira e dil spazi en zonas da recreaziun.

Davart tgei che quei munta e co la procedura da sviluppar la planisaziun locala per nossa vischnaunca se presenta vegn informau **gliendisdis, ils 8 d'avrel 2019** allas 2015 en halla Cons.

Igl'empre pass per realisar las pretensiuns dil plan directiv cantunal ei il relasch d'ina zona da planisaziun entras la vischnaunca. Enteifer la zona da planisaziun astga vegnir fatg nuot che sa pregiudicar la revisiun dalla planisaziun locala ni che savess cunterfar a quella. Damondas da baghegiar astgan mo vegnir lubidas, sch'ellas cunterfan ni allas prescripziuns cun vigur legala ni alla nova planisaziun e prescripziuns previdas. Ina zona da planisaziun munta pia buc ina bloccada da baghegiar, mobein conceda all'istanza da baghegiar il dretg e l'obligaziun da giudicar con lunsch ch'in project da baghegiar pregiudichescha las finamiras dalla planisaziun locala en revisiun e da prender las disposiziun necessarias per prevegnir a tals conflicts.

Suprastonza communal Disentis/Mustér

Lenna da brisch

Damondas per lenna da brisch (pégn ni fau) ein da far a scret entochen **ils 18 d'avrel 2019** agl uffeci forestal dalla vischnaunca da Mustér, Simon Cathomen, caum postal 57, 7180 Disentis/Mustér ni per e-mail; uaul@disentis.ch. Per plascher indicar il sortiment giavischau (lenna sort ni lenna fendida) ed il quantum. Sin giavisch vegn la lenna era furnida franco a casa.

Uffeci forestal Disentis/Mustér

Via d'uaul Punt da Brulf-Fontanivas Serrada dalla via

Muort las lavurs da construcziun per slargar e rinforzar la via d'uaul sto quella vegnir serrada per tut traffic motorisau sil tschancun naven dalla Punt da Brulf entochen tier il stan da sittar a Sars-Fontanivas. Per pedunzs e velocipedists ei il passadi adina pusseivels. Las lavurs da construcziun cuozan entochen **miez fenadur 2019**. Per sclariment stat il biro da planisaziun Enzler Bauleitungen, tel. 081 250 35 35, ni il selvicultur da revier Simon Cathomen, tel. 081 920 36 41, bugen a disposiziun. Nus supplichein da prender enconuschientscha da quest avis.

Bien engraziament per la capientscha.

Disentis/Mustér, ils 13 da mars 2019

Uffeci forestal Disentis/Mustér



Cumin da senioras e seniors

Invitaziun al cumin da senioras/seniors dallas vischnauncas Tujetsch, Mustér, Medel, Sumvitg, Trun, Breil/Brigels. L'idea ei da haver sper purschidas permanentas e regularas per senioras/seniors en mintga vischnaunca era pliras purschidas suls cunfins dallas vischnauncas, e quei mintgamai en in'otra vischnaunca. L'entschatta fagein **gliendisdis, ils 25 da mars**, allas 17.45 en halla Cons a Mustér cun la suandonta purschida:

- Referat d'Eveline Widmer-Schlumpf, anteriura cussegliera federala cul tema «Lebensgestaltung nach der Pensionierung»
- Presentaziun d'ideas/purschidas per eventualas occurrenzas comunablas
- Aperitiv

Quella occurrenza ei publica e tuts interessents ein cordialmein beinvegni!

Serrada dalla Via Cavardiras

Tschancun dutg da Caprau entochen sbuccada dalla via Caprau

Igl uffeci da construcziun bassa dil Grischun preveda ina sanaziun generala dalla via da communicaziun a Cavardiras. Duront las lavurs da construcziun sto la via vegnir serrada per scadin traffic sil tschancun naven da Scaletta entochen Brulf.

Las lavurs da construcziun per l'emprema etapa entscheivan l'entschatta avrel e cuozan entochen miez fenadur 2019.

In'untgida ei pusseivla sur la via da communicaziun Pardomat–Cavardiras per vehichels entochen 11 t. Per pedunzs e velocipedists ei il passadi adina pusseivels. Per ulteriur sclariment san ins contactar il biro d'inschignier Iso Mazzetta, Ursin Venzin, 076 337 54 38, ni il menader infrastruttura, Ervin Maissen, 081 920 36 45.

Bien engraziament per Vossa capientscha.

Disentis/Mustér, ils 11 da mars 2019

Uffeci da construcziun bassa dil Grischun, district 6

*Uffeci da baghegiar ed infrastruttura
dalla vischnaunca da Mustér*

Rimnada da pupi

Venderdis, ils 12-4-2019

Adatg! Ei vegn mo rimnau: gasettas, illustradas, catalogs, cudischs e prospects stampai.

Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel. Nus rimnein buca cartun. Quel sa vegnir deponius a Raveras igl entir onn ora, e quei las mesjamnas (16.00–17.30) e sondas (10.00–12.00) e buca duront la rimnada.

Bien engraziament per Vies agid e sustegn!

Scolas Mustér, Ch. Berger



KnS Information/Mitteilung der Rhätischen Bahn

Leitungsunterbrüche Glasfasernetz zwischen Cumpadials und Stalusa

Sehr geehrte Damen und Herren

Infolge Erneuerungsarbeiten der Rhätischen Bahn an der Infrastruktur wird das Glasfaserkabel zwischen Cumpadials und Stalusa unterbrochen. Die Umschaltungen finden während einer Nachtschicht statt. Die Kommunikationsverbindungen und -dienste werden während der Umschaltungen unterbrochen und neu aufgeschaltet. Während folgender Zeit sind sämtliche Kommunikationsdienste unterbrochen. Die Arbeiten der Unterbrüche sind wie folgt terminiert:

Betroffene Orte: **Cumpadials–Stalusa**

Beginn (Datum und Uhrzeit) **29.3.2019** ab 0 Uhr

Ende (Datum und Uhrzeit) **29.3.2019** bis 5.30 Uhr

Die Rhätische Bahn versucht den Unterbruch so kurz wie möglich zu halten. Dennoch ist mit einem längeren Unterbruch während der angegebenen Arbeitszeit zu rechnen. Die Dienstleistungen stehen Ihnen nach der Umlegung der Kabel wie gewohnt zur Verfügung.

Bei allfälligen Fragen stehen wir Ihnen gerne zur Verfügung. Wir entschuldigen uns für den Unterbruch und danken für Ihr Verständnis.

Ihr KnS-Team

Possessurs da dretgs Alp Cristallina

Invitaziun alla radunonza generala, **venderdis, ils 29-3-2019** allas 20.15 ustria «Cresta», Segnas. Suenter la radunonza vegn offeriu la usitada tscheina. A stedia participaziun envida *la suprastonza*

Uniun da dunnas Disentis/Mustér

Sentupada cun affons pigns e geniturs

La gruppa da seruschnar/termagliar dat la caschun als affons pigns ed als geniturs da sentupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas. Las sentupadas duessan plinavon era far queidas als affons da visitar pli tard la gruppa da termagliar «artgin» che ha liug el medem local e nua ch'ils affons stattan persuls duas uras cun las menadras e quei inaga ad jamna. Pils affons eis ei sco d'entrar ella tiara dalla cucagna cun massa novs termagls e tut quei da cumpignia. Vegni e mirei, nus selegrein sin vossa viseta.

Proxima sentupada: **gievgia, ils 28 da mars 2019**

Temps: 15.00–16.30

Liug: Casa da scola Segnas, local artgin, ella 1 alzada Prender cun: marenda e scalfins
Ulteriuras informaziuns e datums anfleis Vus sut www.uddm.ch

Cordialmein envida *Uniun da dunnas, ressort affons*

Kinderkino Cinema Salaplauna

«Ploey» (ISL 2018)

Mittwoch, 10. April, Center sursilvan d'agricultura, Disentis/Mustér. Ein Zugvogelküken bleibt allein im Norden zurück, als seine Kolonie im Herbst in Richtung Süden fliegt. Daraufhin begibt es sich auf eine gefährliche Wanderung. In dem isländischen Animationsfilm geht es nicht nur ums pure Abenteuer, sondern auch um ernste Themen wie Einsamkeit und Trauer. Türöffnung 15.30 Uhr, Filmstart 16 Uhr.
Eintritt frei, Kollekte.



Cinema Salaplauna

«**Wolkenbruch**» (CH 2018)

Mittwoch, 10. April, Center sursilvan d'agricultura, Disentis/Mustér. Bislang hat Motti immer brav getan, was seine jüdisch-orthodoxe Mame ihm vorschreibt. Als die Mutter ihren Sohn verkuppeln will und lauter junge Frauen einlädt, weicht Motti von dem traditionellen Pfad ab. Er verliebt sich in seine Mitstudentin Laura, eine «Schickse». Eine herz hafte Komödie nach dem gleichnamigen Schweizer Roman. Türöffnung 19.30 Uhr, Filmstart 20 Uhr. Eintritt frei, Kollekte.

Frühling-Kindertreff im Aua Viva

Am Samstag, 30. März, findet von 10 bis 11.30 Uhr der nächste Kindertreff im Aua Viva statt. Wir wollen zusammen singen, Geschichten hören, basteln, spielen und Spass haben! Der Kindertreff steht unter dem Motto «Frühling» und ist offen für reformierte und andere interessierte Kinder von ca. vier bis zehn Jahren. Auch Eltern sind willkommen, wenn dies die Kinder wünschen. Weitere Auskünfte und Anmeldung bei Bettina Müller Hendry, 078 808 58 53.

Wir freuen uns auf einen fröhlichen Morgen!

Yvette Riesen, Eva-Katharina Tomaschett, Susanne Strupler, Bettina Müller Hendry

Societad svizra per tgauns da localisaziun e spindrament da personas Redog

Tgi ei Redog, e tgei fa Redog?

Referat public cun Jeremias Janki, anteriur president central Redog, **ils 3 d'avrel 2019** allas 20.00 ella sala Cristalla a Sedrun (halla plurivalenta Dulezi).

In cordial beinvegna a tuts interessai fa

l'uniun samaritana Sedrun Tujetsch

Uniun samaritana Mustér

Cuors: Agid d'urgenza tier affons pigns/Notfälle bei Kleinkindern

Sonda, ils 13 d'avrel 2019, 8.00–12.00 ni evtl. 13.00–17.00 en casa da scola, Mustér Cuntegn dil cuors:

- Prighels en ed entuorn casa
- Reanimaziun
- Curdada dalla meisa da far schetg
- Co reagar sch'enzatgei ei iu a traviers?
- Frida d'electricidad

Il cuors sedrezza a mummas e babs, tattas e tats ed a tut las personas che han da far cun affons pigns ed era pli gronds. Per informaziuns ni damondas stundel bugen a disposiziun. Annunzias ein da far entochen ils 5 d'avrel 2019 tier Martina Giger, 079 299 36 13, martina.casanova@gmx.ch
